

Aukakostnaðartrygging vegna rafeindatækja

Vátryggingarsamningurinn

Um vátryggingu þessa gildir það sem fram kemur í:

- Vátryggingarskírteini
- Vátryggingarskilmálum, þ.e.:
 - hugsanlegum sérskilmálum, sem koma fram í vátryggingarskírteini
 - skilmálum þessum
- Lögum nr. 30/2004 um vátryggingarsamninga.

Vátryggingarskírteinið hefur að geyma nánari ákvæði vátryggingarsamningsins sem ekki koma fram í skilmálum þessum. Sérskilmálar í vátryggingarskírteini útvíkka, takmarka eða afmarka nánar gildissvið vátryggingarinnar umfram það sem kemur fram í skilmálum þessum. Að öðru leyti en fram kann að koma í sérskilmálum gilda ákvæði skilmála þessara um vátrygginguna.

Í tilvikum þar sem ákvæðum um sama efni ber ekki saman gilda ákvæði í vátryggingarskírteini og endurnýjunarkvittun framfar ákvæðum vátryggingarskilmála og sérskilmálar ganga framfar almennum skilmálum, þó þannig að sértækar reglur ganga ávallt framfar almennum. Ákvæði í vátryggingarskírteini, endurnýjunarkvittun og skilmálum ganga framfar frávikjanlegum lagaákvæðum.

Tjónagrunnur:

Tilteknar upplýsingar um tjón sem tilkynnt eru í trygginguna eru færðar í tjónagrunn sem Samtök fjármálafyrirtækja reka samkvæmt sérstöku leyfi frá Persónuvernd. Sjóvá-Almennar tryggingar bera ábyrgð á vinnslu upplýsinganna en Creditinfo er vinnsluaðili þeirra. Tilgangur vinnslu upplýsinga í tjónagrunninum er að stemma stigu við tryggingarsvikum og koma í veg fyrir ofgreiðslu tryggingarbóta. Þessar upplýsingar eru skráðar í tjónagrunnin:

- Kennitala tjónþola**
- Númer máls hjá félaginu**
- Tegund tryggingar**
- Tegund tjóns**
- Dagsetning tjóns**
- Dagsetning skráningar í grunninn**
- Nafn viðkomandi vátryggingarfélags**
- Staðsetning tjóns**
- Einkvæmt númer þess tryggða, s.s. ökutækis.**

Starfsmenn tryggingafélaga sem starfa að tjónauppgjöri hafa einir aðgang að upplýsingum í grunninum. Upplýsingunum verður eytt þegar ekki er lengur þörf fyrir þær í þágu tilgangs vinnslunnar, í síðasta lagi þegar tíu ár eru liðin frá skráningu.

Efnisyfirlit

1. gr.	Vátryggingin tekur til:.....	3
2. gr.	Bótatími og biðtími.....	3
3. gr.	Vátryggingin tekur ekki til aukakostnaðar vegna:	3
4. gr.	Tilkynningar um tjón og ráðstafanir til að draga úr kostnaði	4
5. gr.	Uppgjör tjóns	4
6. gr.	Útreikningur bóta - Hámark bóta	4
7. gr.	Bókhaldsgögn.....	4
8. gr.	Öryggisráðstafanir - Varúðarreglur	4
9. gr.	Hverjir eru vátryggðir?	4
10. gr.	Gildistími – endurnýjun - réttur til uppsagnar	5
11. gr.	Iðgjaldið - gjalddagi - vanskil - uppgjör við slit samnings á vátryggingartímabilinu	6
12. gr.	Vátryggingarfjárhæðir - eigin áhætta	6
13. gr.	Brot á upplýsingaskyldu - svik og rangar upplýsingar.....	6
14. gr.	Vátryggður veldur vátryggingaratburði	7
15. gr.	Brot á varúðarreglum.....	7
16. gr.	Háttsemi annarra einstaklinga en vátryggðs - reglur um samsömun.....	7
17. gr.	Áhættubreyting - Aukin áhætta.....	7
18. gr.	Viðbyggingar og endurbætur	7
19. gr.	Undirtrygging	7
20. gr.	Tvítrygging	8
21. gr.	Uppgjörsregla vegna skattafrádráttar eða endurgreiðslu virðisaukaskatts	8
22. gr.	Frestur til að tilkynna um tjón - fyrning.....	8
23. gr.	Ráðstafanir til varnar tjóni.....	8
24. gr.	Stríð, verkföll, kjarnorka, hryðjuverk, náttúruhamfarir, o.fl.	8
25. gr.	Skýringarákvæði varðandi upplýsingatækni	9
26. gr.	Vátryggingarstaður	9
27. gr.	Endurkröfuréttur	9
28. gr.	Ágreiningur	9
29. gr.	Varnarþing.....	9

1. gr. Vátryggingin tekur til:

1.1 Vátryggingin greiðir eftir vátryggingaratburð, sem Rafeindatækjatrýgging samkvæmt skilmálum félagsins nær til, nauðsynlegan, eðlilegan og sannanlegan aukakostnað sem fallið hefur á vátryggðan á bótatíma vátryggingarinnar umfram eðlilegan kostnað í því skyni að komast hjá eða stytta rekstrarstöðvun eða röskun á rekstri. Bætur eru þannig t.d. greiddar vegna:

- Flutningskostnaðar til og frá bráðabirgðahúsnæði.
- Útgjalda í sambandi við notkun annars tölvukerfis eða aðstöðu.
- Leigukostnaðar húsnæðis.
- Launagreiðslna til viðbótarstarfsfólks.
- Yfirvinnugreiðslna.

Vátryggingarfjárhæðin jafngildir þeim aukakostnaði sem tilgreindur er í vátryggingarskírteininu og sem leiða kann af tímabundinni röskun í rekstri á bótatímanum.

2. gr. Bótatími og biðtími

- Vátryggingin bætir tjón á þeim bótatíma sem tilgreindur er í vátryggingarskírteininu og sem hefst að loknum biðtíma.
- Biðtími er skráður í vátryggingarskírteinið og telst frá þeim tíma þegar staðfest er að vátryggingaratburður hafi átt sér stað.

3. gr. Vátryggingin tekur ekki til aukakostnaðar vegna:

- Tjóns sem stafar af ónógri gæslu eða viðhaldi að því leyti sem það verður rakið til sakar vátryggðs eða starfsmanna sem gegna ábyrgðarstöðu hjá honum.
- Tjóns sem stafar af því að meira er lagt á tæki en þau þola eða þau eru ekki notuð eins og til er ætlast eða gerð þeirra leyfir.
- Tjóns sem stafar af galla eða annmarka sem var fyrir þegar vátryggingarsamningur var gerður og vátryggðum eða starfsmönnum sem gegndu ábyrgðarstöðu hjá honum var eða hefði átt að vera kunnugt um.
- Tjóns sem þriðji aðili (t.d. framleiðandi, dreifingaraðili, seljandi, flutningsaðili eða viðgerðarþjónusta) ber skaðabótaábyrgð á samkvæmt lögum eða samningi.
- Tjóns af völdum vatns- sýru- gufu eða annarra skaðlegra lofttegunda eða ryks ef slíkt fylgir venjulega rekstri vátryggðs.
- Tjóns sem hlýst af rangri forritun, röngum innslætti, rangri ísetningu eða textun eða af völdum slits, eyðingar eða skemmda á rituðum gögnum nema slíkt stafi af bótaskyldu tjóni.
- Taps af ágóða eða missis viðskiptavildar.
- Dagsekta vegna seinkunar verks eða þess að ekki hefur verið staðið við samningsbundnar skyldur.
- Tjóns sem takmarkast við hluti sem skipta þarf um reglulega við eðlilega notkun, þ.m.t. hjálparefni, rekstrarvörur, perur, rafhlöður, filterar, mynd-, röntgen- og leysilampar.
- Slits, hægfara eyðingar, ryðskemmda, tæringar, sýringar, sviðskemmda, rispa á máluðum eða lökkuðum flötum, broti á gleri og hvers konar viðhaldskostnaðar.
- Endurnýjunar eða endurvinnslu tapaðra eða skemmdra gagna.
- Endurnýjunar gagnageymslumiðla, s.s. seguldiska, geilsadiska, segulbanda, minnisspjalda, disklinga o.þ.h. sem geyma upplýsingar og sem laustengdir eru og notandi getur skipt um.
- Tjóns er rakið verður til ásetnings eða stórfellds gáleysis vátryggðs eða starfsmanna sem gegna ábyrgðarstöðu hjá honum.

4. gr. Tilkynningar um tjón og ráðstafanir til að draga úr kostnaði

- 4.1 Þegar tjón hefur orðið skal váttryggður skýra félaginu frá því án tafar. Honum er skylt, að svo miklu leyti sem honum er unnt, að draga úr kostnaði - jafnt á váttryggingarstað sem annars staðar - við að halda starfsemi fyrirtækisins áfram. Félaginu er jafnframt heimilt að gera ráðstafanir í þessu skyni. Félagið greiðir sérstakan kostnað í þessu augnamiði svo fremi að heildarkostnaðurinn verði ekki af þessum sökum hærrí en hann hefði orðið ef slíkar ráðstafanir hefðu ekki verið gerðar.
- 4.2 Ef váttryggingaratburðurinn hefur gerst eða bein hætta er á því að hann muni bera að höndum, ber váttryggðum að reyna að afstýra tjóninu eða draga úr því.
- 4.3 Váttryggður skal gefa félaginu kost á að skoða og meta tjónið áður en viðgerð hefst eða skemmdum munum er ráðstafað.
- 4.4 Vanræksla á þessum skyldum váttryggðs getur varðað lækkun eða missi bóta.
- 4.5 Bæði váttryggður og félagið hafa rétt til þess að óvilhallir matsmenn séu tilkvaddir til þess að ákvarða umfang tjónsins og ákveða upphæð váttryggingarbóta, og velur hvor aðili sinn matsmann. Matsmennirnir tveir velja sér oddamann sameiginlega áður en matið hefst. Sé um ágreining að ræða milli matsmanna, sker atkvæði oddamanns úr um ágreiningsatriði þeirra. Komi matsmenn sér ekki saman um val oddamanns skal hann dómkvaddur. Matsmenn meta og reikna út tjónið, samkvæmt ákvæðum váttryggingarskilmálanna og váttryggingarskírteinisins, m.a. með tilliti til hugsanlegrar váttryggingar undir verði. Matsmenn skulu gera skriflega skýrslu um starf sitt, þar sem fram komi sundurliðað mat og útreikningur á fjárhæð tjónsins. Hvor aðili greiðir sínum matsmanni fyrir matið, en kostnaður vegna oddamanns skiptist jafnt milli aðila.

5. gr. Uppgjör tjóns

- 5.1 Uppgjör eftir tjón hefst í síðasta lagi 14 dögum eftir að bóta tíma váttryggingarinnar lýkur.

6. gr. Útreikningur bóta - Hámark bóta

- 6.1 Váttryggður getur ekki fengið hærrí bætur en nægja til að greiða þann viðbótarkostnað og útgjöld sem váttryggingin nær til. Bætur takmarkast við þá váttryggingarfjárhæð sem getið er um í váttryggingarskírteininu. Ef einhverjir kostnaðarliðir dragast saman meðan á rekstrarstöðvun stendur lækka bætur að sama skapi. Aukakostnaður sem stafar af því að tóf verður á því að hefja reksturinn aftur sökum fjármagnsskorts, endurbóta, stækkunar, fyrirmæla hins opinbera eða þess háttar, er ekki greiddur.
- 6.2 Ef váttryggður getur nýtt kostnað vegna tjóns til skattafrádráttar eða hann á rétt á endurgreiðslu virðisaukaskatts vegna endurbóta á hinu váttryggða í kjölfar tjóns skulu bætur lækka sem því nemur.

7. gr. Bókhalðsgögn

- 7.1 Váttryggðum er skylt að leggja fram öll bókhalðsgögn og önnur gögn til sönnunar á umfangi tjóns.

8. gr. Öryggisráðstafanir - Varúðarreglur

- 8.1 Forsendur bótaskyldu eru:

Að váttryggður og þeir starfsmenn sem gegna ábyrgðarstöðu hjá honum haldi hinum váttryggða tölvubúnaði í góðu lagi og fylgi leiðbeiningum og notkunarreglum frá seljanda. Jafnframt að þeir láti gera við bilanir og annmarka sem þeir verða varir við.

9. gr. Hverjir eru váttryggðir?

- 9.1 Váttryggingin er til hagsbóta fyrir váttryggingartaka/eiganda hins váttryggða. Váttryggingin er ekki til hagsbóta fyrir aðra aðila svo sem veðhafa eða nýjan eiganda hins váttryggða. Váttryggingin fellur brott við eigendaskipti að hinu váttryggða.

10. gr. Gildistími – endurnýjun - réttur til uppsagnar

10.1 Gildistími

Sé ekki annað ákveðið í lögum eða samningi tekur váttryggingin gildi á þeim degi, sem samningur um váttrygginguna er gerður, það er þegar félagið eða váttryggingartaki hefur samþykkt tilboð hins. Váttryggingin gildir fyrir það tímabil sem tilgreint er í váttryggingarskírteini eða iðgjaldskvittun.

10.2 Endurnýjun og uppsögn

Váttrygging, sem gildir í eitt ár eða lengur, er endurnýjuð fyrir eitt ár í senn, nema váttryggingartaki hafi tilkynnt félaginu um að hann vilji segja váttryggingarsamningnum upp. Váttryggingartaki getur sagt váttryggingunni upp skriflega með mánaðar fyrirvara hvenær sem er á váttryggingartímabilinu og miðast uppsögn við næstu mánaðarmót þar á eftir. Eigi uppsögn að miðast við endurnýjun váttryggingarinnar skal tilkynning um uppsögn berast félaginu í síðasta lagi tveimur vikum fyrir lok váttryggingartímabilsins. Hafi váttryggingartaki ekki lengur þörf fyrir váttrygginguna eða fyrir hendi eru aðrar sérstakar ástæður sem réttlæta uppsögn, getur hann þó sagt váttryggingunni upp með skriflegri tilkynningu til félagsins án sérstaks fyrirvara, sbr. 2. mgr. 14. gr. eða 3. mgr. 75. gr. laga nr. 30/2004.

Þegar váttrygging er tekin vegna atvinnurekstrar, þar sem umfang rekstraraðila samsvarar fleiri en fimm ársverkum eða starfsemi fer að mestu leyti fram erlendis, getur váttryggingartaki aðeins sagt váttryggingunni upp við endurnýjun hennar og skal uppsögn í síðasta lagi hafa borist félaginu einum mánuði fyrir lok váttryggingartímabilsins.

Ef félagið hyggst ekki framlengja váttrygginguna skal tilkynna váttryggingartaka það í síðasta lagi tveimur mánuðum áður en váttryggingartímabilið er á enda. Félagið getur gert breytingar á váttryggingarskilmálum og iðgjaldi váttryggingarinnar. Slíkar breytingar taka gildi frá næstu endurnýjun váttryggingarinnar eftir að tilkynning um þær er send.

10.3 Réttur félagsins til uppsagnar á váttryggingartímanum

Félagið getur sagt upp váttryggingunni:

1. Ef gefnar hafa verið rangar eða ófullnægjandi upplýsingar um áhættuna, með 14 daga fyrirvara, sbr. 21. og 15. gr. eða 84. og 76. gr. laga nr. 30/2004.
2. Ef váttryggingartaki hefur viðhaft sviksamlega háttsemi við upplýsingagjöf til félagsins um áhættuna, án fyrirvara, sbr. 21. og 15. gr. eða 84. og 76. gr. laga nr. 30/2004. Auk þess getur félagið í slíkum tilvikum sagt upp öllum váttryggingasamningum sínum við váttryggðan.
3. Ef váttryggður veitir af ásetningi rangar eða ófullnægjandi upplýsingar við uppgjör váttryggingarbóta, með viku fyrirvara, sbr. 47. gr. og 15. gr. eða 120. gr. og 76. gr. laga nr. 30/2004. Auk þess getur félagið í slíkum tilvikum sagt upp öllum váttryggingasamningum sínum við váttryggðan.
4. Eftir að tjón hefur orðið, ef
 - a. váttryggður hefur valdið tjóninu af ásetningi;
 - b. váttryggður hefur brotið gegn varúðarreglum;
 - c. fjöldi tjóna á skömmum tíma er meiri en eðlilegt telst, t.d. 3 tjón á 12 mánuðum.

Uppsagnarfrestur í slíkum tilvikum er tveir mánuðir, sbr. 1. og 2. mgr. 15. gr. eða 2. og 3. mgr. 76. gr. laga nr. 30/2004.

5. Ef notkun hins váttryggða eða starfsemi váttryggðs breytist á váttryggingartímanum á þann hátt að:
 - a. Félagið hefði ekki tekið að sér váttrygginguna ef hinar nýju aðstæður hefðu legið fyrir við töku váttryggingarinnar.
 - b. Það hefur áhrif á möguleika félagsins til að endurtryggja áhættuna.

Uppsagnarfrestur í slíkum tilvikum er tveir mánuðir, sbr. 1. og 2. mgr. 15. gr. eða 2. og 3. mgr. 76. gr. laga nr. 30/2004.

6. Við ítrekaðar vanefndir á greiðslu iðgjalds. Uppsagnarfrestur í slíkum tilvikum er tveir mánuðir, sbr. 1. og 2. mgr. 15. gr. eða 2. og 3. mgr. 76. gr. laga nr. 30/2004.
7. Ef alvarlegur trúnaðarbrestur verður milli félagsins og váttryggingartaka.

Uppsagnarfrestur í slíkum tilvikum er tveir mánuðir, sbr. 1. og 2. mgr. 15. gr. eða 2. og 3. mgr. 76. gr. laga nr. 30/2004.

11. gr. Iðgjaldið – Gjaldþagi – Vanskil – Uppgjör við slit samnings á váttryggingartímabilinu

Váttryggingartaki skal greiða iðgjald til félagsins. Fyrsta iðgjaldið fellur í gjaldþaga þann dag sem váttryggingin tekur gildi. Síðari iðgjöld falla í gjaldþaga á fyrsta degi hvers endurnýjunartímabils. Greiðslufrestur skal vera einn mánuður hið skemmsta frá þeim degi sem félagið sendi tilkynningu um greiðslu. Krafa um greiðslu iðgjalds verður send váttryggingartaka á það heimilisfang sem hann hefur tilkynnt félaginu. Sending tilkynningar eða greiðsluseðils jafngildir kröfu um greiðslu. Breytingar á heimilisfangi skal tilkynna félaginu þegar í stað. Sé iðgjald ógreitt þegar greiðslufresti lýkur, getur félagið sent nýja tilkynningu þar sem greiðslu er krafist innan 14 daga. Sé iðgjald ekki greitt innan 14 daga frá dagsetningu þeirrar tilkynningar fellur váttryggingin niður þegar í stað, sbr. 33. gr. laga nr. 30/2004. Þegar váttryggingarsamningi, sem gilda skal í eitt ár eða lengri tíma, er slitið á váttryggingartímabilinu, á félagið rétt á hlutfallslegu iðgjaldi miðað við þann tíma sem váttryggingin var í gildi en endurgreiðir iðgjöld fyrir annað tímabil sem þá þegar er greitt. Sé iðgjald ákveðið árstíðabundið er heimilt að taka tillit til þess við endurgreiðslu iðgjaldsins, sbr. 2. mgr. 17. gr. laga nr. 30/2004. Sé andvirði hins váttryggða greitt út við altjón og váttryggingin fellur niður af þeim sökum kemur ekki til endurgreiðslu iðgjalds.

12. gr. Váttryggingarfjárhæðir - eigin áhætta

- 12.1 Váttryggingarfjárhæðir og fjárhæð eigin áhættu sem getið er í váttryggingarskírteininu og fjárhæðir sem nefndar eru í skilmálum þessum fylgja þróun verðlags í landinu og breytast mánaðarlega í samræmi við breytingar á vísitölu neysluverðs frá upphafsdegi váttryggingartímabilsins svo sem hér segir:
- 12.2 Fjárhæðir sem tilgreindar eru í skilmálum þessum miðast við vísitölu neysluverðs þegar hún var 177,8 stig þann 1. janúar 1997.
- 12.3 Verði hætt að birta framangreinda vísitölu getur félagið miðað breytingar við aðra samsvarandi opinbera vísitölu.
- 12.4 Fjárhæð iðgjalds váttryggingarinnar breytist með sama hætti í samræmi við váttryggingarfjárhæðina eins og hún er á endurnýjunardegi váttryggingarinnar.
- 12.5 Tjón bætast í samræmi við þá váttryggingarfjárhæð sem í gildi er á tjónsdegi. Hið sama gildir um eigin áhættu.
- 12.6 Um vexti af bótafjárhæðum fer samkvæmt 50. gr. laga nr. 30/2004.

13. gr. Brot á upplýsingaskyldu - svik og rangar upplýsingar

13.1 Upplýsingar um áhættuna

Hafi váttryggingartaki eða váttryggður sviksamlega vanrækt upplýsingaskyldu sína um atvik sem haft geta þýðingu fyrir mat félagsins á áhættu og váttryggingarburður orðið ber félagið ekki ábyrgð, sbr. 1. mgr. 20. gr. laga nr. 30/2004.

Hafi váttryggingartaki eða váttryggður með öðrum hætti vanrækt upplýsingaskyldu sína í þeim mæli að ekki telst óverulegt fellur ábyrgð félagsins niður í heild eða að hluta, sbr. 2. mgr. 20. gr. laga nr. 30/2004.

13.2 Upplýsingar við uppgjör bóta

Ef váttryggður veitir af ásetningu rangar eða ófullnægjandi upplýsingar við uppgjör bóta fellur niður allur réttur hans samkvæmt þessum og öðrum váttryggingarsamningum vegna hins tiltekna váttryggingarburðar, sbr. 2. mgr. 47. gr. laga nr. 30/2004. Í slíkum tilvikum getur félagið sagt upp öllum váttryggingarsamningum sínum við váttryggðan með einnar viku fyrirvara, sbr. grein 10.3 í skilmálum þessum.

14. gr. Vátryggður veldur vátryggingaratburði

14.1 Ásetningur

Hafi vátryggður af ásetningi valdið því að vátryggingaratburður varð ber félagið ekki ábyrgð, sbr. 1. mgr. 27. gr. laga nr. 30/2004.

14.2 Stórkostlegt gáleysi

Hafi vátryggður valdið því af stórkostlegu gáleysi að vátryggingaratburður varð eða afleiðingar hans urðu meiri en ella hefði orðið má lækka eða fella niður ábyrgð félagsins, sbr. 2. mgr. 27. gr. laga nr. 30/2004.

15. gr. Brot á varúðarreglum

15.1 Varúðarreglur eru háttarnisreglur sem settar eru í því skyni að koma í veg fyrir og takmarka tjón. Það er forsenda fyrir greiðslu bóta að settum varúðarreglum sé ávallt fylgt.

15.2 Hafi vátryggður vanrækt að hlíta varúðarreglum eða öðrum fyrirmælum í vátryggingarsamningi má lækka eða fella niður ábyrgð félagsins, sbr. 26. gr. laga nr. 30/2004.

16. gr. Háttsemi annarra einstaklinga en vátryggðs - reglur um samsömun

16.1 Ákvæði sem kveða á um að réttur vátryggðs til bóta skerðist eða falli niður vegna athafna eða athafnaleysis vátryggðs, eiga einnig við um bótarétt vátryggðs vegna samsvarandi háttsemi starfsmanna vátryggðs, sbr. 2. og 3. mgr. 29. gr. laga nr. 30/2004.

17. gr. Áhættubreyting - Aukin áhætta

17.1 Vátryggingartaki skal tilkynna félaginu tafarlaust um breytingar sem varða hina vátryggðu áhættu, svo sem ef:

- starfsemi hans eða vátryggt lausafé er flutt á annan stað en getið er á vátryggingarskírteininu;
- aðrar breytingar (t.d. varðandi gerð eða notkun vátryggðra eigna) sem auka hættu á tjóni verða á starfsemi hans eða öðru er vátryggingin tekur til;
- keypt er önnur vátrygging sem tekur til sömu áhættu;
- eigendaskipti verða, þ.á.m. ef rekstrarform breytist.

17.2 Félagið áskilur sér rétt til að segja vátryggingunni upp, sbr. grein 10.3 í skilmálum þessum, eða breyta vátryggingarkjörum ef einhverjar af fyrrgreindum breytingum verða.

17.3 Falli vátryggingin niður endurgreiðist iðgjaldið fyrir þann tíma sem eftir er af vátryggingartímabilinu.

17.4 Láti vátryggður hjá líða að tilkynna félaginu um breytingu skv. framansögðu, getur bótaréttur fallið niður að hluta eða öllu leyti samkvæmt reglum 24. og 25. gr. laga nr. 30/2004.

18. gr. Viðbyggingar og endurbætur

18.1 Vátryggðum er skylt að tilkynna félaginu tafarlaust um viðbyggingu, endurbætur eða aðra verulega verðaukningu vátryggðrar eignar. Vanræksla þessarar skyldu varðar bótalækkun samkvæmt reglum 24. og 25. gr. laga nr. 30/2004.

19. gr. Undirtrygging

19.1 Nauðsynlegt er að vátryggingarfjárhæðin sé í samræmi við verðmæti hins vátryggða. Sé vátryggingarfjárhæðin lægri en verð hinna vátryggðu hagsmuna, er ábyrgð félagsins aðeins hlutfallsleg eftir mun þeim, sem er á vátryggingarfjárhæðinni og verði hins vátryggða.

20. gr. Tvítrygging

- 20.1 Ef hagsmunir þeir sem váttrygging þessi tekur til eru einnig váttryggðir með annarri váttryggingu getur váttryggður valið úr hvaða váttryggingu hann krefst bóta, þar til hann hefur fengið þær bætur sem hann á kröfu til.
- 20.2 Ef fleiri en eitt váttryggingafélag bera ábyrgð á tjóni skulu þau, sé ekki um annað samið, greiða bætur hlutfallslega eftir ábyrgð hvers þeirra um sig á tjóninu. Því getur það félag, sem bætir tjónið, endurkrafið önnur félög hlutfallslega.

21. gr. Uppgjörsregla vegna skattafrádráttar eða endurgreiðslu virðisaukaskatts

- 21.1 Ef váttryggður getur nýtt kostnað vegna tjóns til skattafrádráttar eða hann á rétt á endurgreiðslu virðisaukaskatts vegna endurbóta á hinu váttryggða í kjölfar tjóns skulu bætur lækka sem því nemur.

22. gr. Frestur til að tilkynna um tjón - fyrning

- 22.1 Váttryggður glatar rétti til bóta ef:
1. hann tilkynnir félaginu ekki um kröfu sína innan árs frá því að hann vissi um atvik sem hún er reist á;
 2. hann hefur ekki höfðað mál eða krafist meðferðar málsins fyrir úrskurðarnefnd í váttryggingamálum innan árs frá því að hann fékk skriflega tilkynningu um að kröfu hans væri hafnað, sbr. 51. gr. laga nr. 30/2004.
- 22.2 Krafa váttrygðs um bætur fynnist samkvæmt reglum 52. gr. laga nr. 30/2004.

23. gr. Ráðstafanir til varnar tjóni

- 23.1 Þegar váttryggingaratburðurinn hefur orðið eða bein hættu er á því, að hann muni bera að höndum, skal váttryggður reyna að afstýra tjóninu eða draga úr því. Vanræksla í þessu efni getur haft í för með sér lækkan eða missi bóta, sbr. lög um váttryggingarsamninga nr. 30/2004.

24. gr. Stríð, verkföll, kjarnorka, hryðjuverk, náttúruhamfarir, o.fl.

- 24.1 Félagið bætir ekki tjón eða kostnað sem beint eða óbeint orsakast af styrjöld, innrás, aðgerðum erlendra óvina, ófriðaráttökum (hvort sem styrjöld hefur verið lýst yfir eða ekki) borgarastyrjöld, vopnaðri andspyrnu, byltingu, uppreisn, uppreisn gegn yfirvaldi, uppboti, verkfalli, herstjórn eða valdránsstjórn, herlögum eða herkví eða atvik eða orsakir sem ráða úrslitum um að lýst sé yfir gildistöku herlaga eða umsátursástandi.
- 24.2 Félagið bætir ekki tjón eða kostnað sem að einhverju eða öllu leyti stafar beint eða óbeint af eða á upptök sín í eða frá:
1. jónandi geislun eða mengun af völdum hvers konar kjarnorkueldsneytis eða hvers konar kjarnorkuúrgangs eða brennslu kjarnorkueldsneytis;
 2. geislun, eitrun, sprengingum eða öðrum hættulegum eða mengandi eiginleikum frá kjarnorkustöðvum, kjarnaofnum eða öðrum kjarnorkubúnaði eða hluta þeirra;
 3. hvers konar vopnum þar sem beitt er frumeinda- eða kjarnaklofningu og/eða samruna frumeinda eða kjarna eða öðrum svipuðum kjarnahvörfum, geislaafli eða geislandi efni.
- 24.3 Félagið bætir ekki tjón, kostnað eða útgjöld sem beinlínis eða óbeinlínis stafa af lífefnamengun eða efnamengun vegna hvers konar hryðjuverka, án tillits til hugsanlegra samverkandi orsaka.

Hryðjuverk merkir hér verknað, þar með talið en ekki takmarkað við, valdbeitingu eða ofbeldi og/eða hótun um slíkt, af hálfu einstaklings eða hóps einstaklinga, hvort sem hann eða þeir starfa einir sér eða af hálfu eða í tengslum við ein eða fleiri samtök eða stjórnvöld, ein eða fleiri, og sem framinn er í stjórn mála eða trúarlegum tilgangi, í hugsjónatilgangi eða í þjóðernislegum tilgangi eða af slíkum ástæðum, þar með talið í því markmiði að hafa áhrif á stjórnvöld og/eða að vekja ótta hjá almenningi eða hjá hluta almennings.

Mengun merkir hér spillingu, eitrun eða hindrandi og/eða takmarkandi áhrif á notkun hluta og efna vegna áhrifa frá efnasamböndum og/eða lífefnum.

- 24.4 Félagið bætir ekki tjón sökum eldgosa, jarðskjálfta, skriðufalla, snjóflóða, vatnsflóða og annarra náttúruhamfara nema annars sé sérstaklega getið.

25. gr. Skýringarákvæði varðandi upplýsingatækni

- 25.1 Eignatjón sem váttryggt er gegn samkvæmt váttryggingu þessari eru efnisleg tjón á eignum sem eignaréttur fylgir.
- 25.2 Efnisleg tjón á eignum sem eignaréttur fylgir taka ekki til tjóna á upplýsingagögnum eða hugbúnaði, einkum skaðlegra breytinga á upplýsingagögnum, hugbúnaði eða tölvuforritum sem orsakast af eyðingu, afbökun eða af því að upphafleg gerð þeirra hefur afmyndast.
- 25.3 Þar af leiðandi eru undanskilin í váttryggingu þessari:
1. Tjón á upplýsingagögnum eða hugbúnaði, einkum skaðlegar breytingar á upplýsingagögnum, hugbúnaði eða tölvuforritum, sem orsakast af því að þeim er eytt, þau afbökud eða upphafleg gerð þeirra er afmynduð svo og allt rekstrartap vegna stöðvunar eða röskunar á rekstri sem orsakast af slíku tjóni.
 2. Tjón, sem orsakast af því að dregið hefur úr virkni eða notagildi, notkunarviði, eða aðgangi að upplýsingagögnum, hugbúnaði eða tölvuforritum svo og allt rekstrartap vegna stöðvunar eða röskunar á rekstri sem orsakast af slíku tjóni.

26. gr. Váttryggingarstaður

- 26.1 Sé annars ekki getið, tekur váttryggingin aðeins til tjóns er verður á þeim stað sem tilgreindur er í váttryggingarskírteininu.

27. gr. Endurkröfuréttur

- 27.1 Eigi váttryggður fébótakröfu á hendur öðrum vegna bótaskylds tjóns, öðlast félagið þann rétt að svo miklu leyti sem það hefur greitt váttryggðum bætur. Váttryggður skal í slíkum tilvikum gera nauðsynlegar ráðstafanir til þess að tryggja kröfuna þar til félagið getur sjálft gætt hagsmuna sinna.

28. gr. Ágreiningur

Verði ágreiningur um váttrygginguna skal íslenskur dómstóll skera úr honum samkvæmt íslenskum lögum, nema annað leiði af þjóðréttarsamningi sem Ísland er bundið af.

Úrskurðarnefnd í váttryggingamálum sker úr ágreiningi um bótaskyldu, sök og sakarskiptingu auk ágreinings um atriði, er varða ákvæði laga nr. 30/2004 um váttryggingarsamninga.

Úrskurðarnefnd í váttryggingamálum er vistuð er hjá Fjármálaeftirlitinu og má nálgast upplýsingar og málskotseyðublað vegna nefndarinnar á vefsíðunum www.fme.is og www.sjova.is, auk fyllri upplýsinga um starfssvið og starfsháttu hennar.

Málsmeðferð fyrir úrskurðarnefnd í váttryggingamálum skerðir ekki rétt málskotsaðila til þess að leggja málið fyrir almenna dómstóla.

29. gr. Varnarþing

- 29.1 Varnarþing félagsins er í Reykjavík. Mál sem kunna að rísa á hendur félaginu út af váttryggingu þessari, skulu rekin fyrir Héraðsdómi Reykjavíkur.

Skilmálar þessir gilda frá 1. júlí 2015.

[Efst á skjal](#)